

Na osnovu člana 15. Zakona o principima lokalne samouprave u Federaciji Bosne i Hercegovine (Službene novine Federacije Bosne i Hercegovine broj 49/06 i 51/09), člana 15. i 18. Statuta Općine Novi Grad Sarajevo (Službene novine Kantona Sarajevo broj 1/24), člana 9. i 15. Odluke o organizaciji jedinstvenog općinskog organa uprava Općine Novi Grad Sarajevo (Službene novine Kantona Sarajevo broj 6/17), člana 4. Pravilnika za dodjelu pomoći u participaciji liječenja teško oboljelih sa područja Općine Novi Grad Sarajevo broj 02/07-04-7241/25 od 09.04.2025. godine, Budžeta Općine Novi Grad Sarajevo za 2026. godinu (Službene novine Kantona Sarajevo broj 2/26), ekonomski kod 614200/GCA05 – tekući transfer za participaciju teško oboljelih sa područja Općine Novi Grad Sarajevo, na prijedlog Službe za boračka pitanja, rad, socijalna pitanja i zdravstvo objavljuje

JAVNI POZIV

Za dodjelu jednokratne novčane pomoći u participaciji liječenja teško oboljelih sa područja Općine Novi Grad Sarajevo

1. Predmet Javnog poziva

Predmet Javnog poziva je dodjela jednokratne novčane pomoći u participaciji liječenja teško oboljelih sa područja Općine Novi Grad Sarajevo.

2. Finansijska sredstva

Finansijska sredstva za dodjelu pomoći obezbjeđena su Budžetom Općine Novi Grad za 2026. godinu godinu (Službene novine Kantona Sarajevo broj 2/26), sa budžetske pozicije ekonomski kod 614200/GCA05 – tekući transfer za participaciju u liječenju teško oboljelih sa područja Općine Novi Grad Sarajevo.

3. Uvjeti za ostvarivanje prava na jednokratnu novčanu pomoć

Pravo na dodjelu pomoći mogu ostvariti sljedeće kategorije lica sa prijavljenim prebivalištem na području Općine Novi Grad Sarajevo:

1. Djeca oboljela od karcinoma, diabetesa, leukemije, TBC, celijakije, kronove bolesti, ulceroznog kolitisa, hepatitisa B i C, epilepsije, djeca sa dijagnosticiranim psiho-fizičkim poremećajem u razvoju i druga hronična i teška oboljenja;

2. Lica oboljela od multipla skleroze, malignih bolesti koje su u akutnoj i akutiziranoj metastatskoj fazi, fazi operativnog liječenja i fazi kemo i radio terapije, te fazi ranog postterapijskog oporavka;

3. Lica koja zbog nemogućnosti liječenja u BiH, imaju preporuku za liječenje u inostranstvu čije troškove u potpunosti ne pokriva Zavod zdravstvenog osiguranja Federacije BiH;

4. Potrebna dokumentacija

Uz zahtjev za dodjelu pomoći dostavlja se sljedeća dokumentacija:

1. Medicinska dokumentacija ne starija od šest mjeseci,
2. Dokaz o troškovima nabavke lijekova i troškova liječenja za kategorije navedene na poledini zahtjeva,
3. Preporuka nadležne medicinske ustanove za liječenje u inostranstvu sa troškovima liječenja,
4. Kopija bankovne instrukcije za plaćanje na ime podnosioca zahtjeva,
5. Ovjerena punomoć ili rješenje o starateljstvu,
6. Po potrebi i druga dokumentacija

4. Podnošenje prijava

Javni poziv se objavljuje na oglasnoj ploči Općine Novi Grad Sarajevo i web stranici Općine Novi Grad Sarajevo i ostaje otvoren do kraja tekuće budžetske godine ili do utroška planiranih budžetskih sredstava

Zahtjev sa potrebnom dokumentacijom podnosi se Komisiji za rješavanje zahtjeva za pomoć u participaciji liječenja teško oboljelih sa područja Općine Novi Grad Sarajevo, putem Službe za boračka pitanja, rad, socijalna pitanja i zdravstvo Općine Novi Grad Sarajevo.

Zahtjev za dodjelu pomoći može se preuzeti na web stranici Općine i na Info šalteru Općine svakim radnim danom od 7,30 do 17,00 sati.

Za sve dodatne informacije kontakt osoba Topalović Jasmin, tel. 033/291-380